



ATASSUT INATSIARTUNI

ATASSUT

UPA 2014/134-1

Knud Kristiansen

20.05.14

Uunga siunnersuut: Suliniutit annertuut sanaartornerisa nalaanni nunanit allamiut najugaqalernissamut sulinissamullu akuerineqarsinnaanerit pillugu Kalaallit Nunaannut Inatsisip Kalaallit Nunaannut atuutilernissaa pillugu oqaaseqaateqarnissamut Inatsisartut aalajangiinissaannut siunnersuut.

(Inuussutissarsiornermut Aatsitassaqaqarnermullu Naalakkersuisoq)

ATASSUT-miit oqaaseqaatissamut siunnersuut pillugu oqaatigissavarput, suliniutini angisuuni, sanaartornerit nalaanni avataaniit sulusassaqaarnissaq avaqqukkuminaatsussaammat, piffissap sanaartukkap ingerlanneqaqarnenerani. Tamannalu aallaavigalugu inatsisit tunngavigineqartut iluini sulusartut tikisinneqartut najugaqarnissamut sulininnaanermullu akuersissummik pisariaqartitsineq.

Pissutaavoq maannamut suli akisussaaffik pineqartoq nunatsinnit tiguneqarnikuunngimmat, tassalu nunanit allamiunit killeqarfinnillu nakkutilliinerit, sulinissamullu akuersissutit.

ATASSUT-miit maluginiarparput aatsitassat qaqutigooortut pillugit Naalagaaffiup tungaaniit tamanna nunanut allanut, illersornissamullu attuumatinniarneqartoq. Tamanna ATASSUT-miit sakkortuumik illua-tungilerparput. ATASSUT-miit isumaqarpugut apeqqut arlaatigulluunniit Naalagaaffiup tungaaniit akisussaaffimmik ataannut inissinniassanngikkaat, akisussaaffik nunatta angerlaatereernikummassuk, aamma aatsitassat qaqutigooortut eqqarsaatigalugit.

Taamatut naatsumik oqaaseqarluta ATASSUT-miit Naalakkersuisut innersuussutaat akueralugu, innersuussutigissavarput taamatut iluseqarluni aappassaaniigassanngortinneqassasoq.